



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

De Animis Sphaerarum. Cap. 8.

urn:nbn:de:hbz:466:1-12918

nario vtitur; quatenus cætera recipiunt ab ea suæ vitæ initium, medium, & finem. Præterea consideratur anima inūdi, vt rationibus, quasi semi nibus grauida; vt pariens, vt parta seruans; suoque fine terminás, & absoluens. Demum ternario vtitur; quatenus disponit, quæ semper, quæ raro, & quæ frequēter eueniunt. Iure itaque filiæ eius tres sunt dictæ. De quibus loquens ter maximus Mercurius in Asclepio inquit; Fatum tribus constare, in mari mene, quæ rerum omnium parit initia: Necessitate, quæ initia ad progressum cogit; demum Ordo, id est dispositione temporis. Per has itaque Parcas indumentis albis, hoc est, cōditionibus inuiolabilibus indutas: quæcunque in Ideis, quasi in Glomo sunt inuoluta, euoluuntur, & explicantur in corpora. Hæc de Parcis explicata, consentanea sunt principiis Academicorum: ex opinione Aristotelis, secūs esset dicendum. Quæ enim Platonici ad mundi animam, eiusque vires referunt; Peripatetici, vel ad Deum, vel ad naturā sub Deo ordinatam, esse referenda existimant.

De Animis Sphærarum.

CAP. VIII.

Nimam mundi, veluti ducem, inse-
quuntur duodecim animæ duodecim
sphærarum mundi; octo scilicet cœ-
lestium orbium, & quatuor elemēto-
rum. Hoc eleganter protulit Plato in Phædro
inquiens; Magnus vtiq; Dux in cœlo Jupiter,
citans



citans alatum currū, primus incedit, exornās
cunēta, prouideq; disponens. Hunc sequitur
Deorū, Dæmonumq; exercitus per vndeциm
partes ordinatus. Permanet autem Vesta in
Deorū æde sola, &c. Hæc Plato. Magnus Dux
est anima Mundi. Exercitus vndeциm Deorū,
sunt vndeциm animæ cœlorū, & trium elemē-
torū: & dicuntur exercitus: quoniam eas ani-
mas, alię deinde Dæmonū, & hominū insequū-
tur: & alię insequūt alias ratione diuersitatis
conditionū, & propensionū. Vesta, quę in ēde
Deorum sola permanet, est anima terræ: cūm
enim cæteræ sphæræ vertantur in orbeī, sola
terra in suo loco requiescit. Ex his patet deci-
pi eos, qui putarunt per vnam mundi animam
omnes cœlos, & elementorū spheras vitā reci-
pere; manifestè enim Plato diuersas eorum
esse animas affirmit: neq; etiam est rationi cō-
sentaneum, vt anima vna, tōt distincta corpo-
ra, motibus adeò diuersis, tamq; diuersa velo-
citate moueat. Sic ex octo sphærarum animis,
& ex anima mundi, chorus nouem Musarum
consurgit. Et hæ sunt Syrenæ, cum quibus re-
cinunt Parcæ, & ad quarum harmonicos can-
tus sua munera dicuntur obire; quatenus cer-
tis numeris, cum lætitia, per commensuratos
cœli motus, cunēta perficiunt: est enim cœlū,
vt dicebat Pythagoras, Lyra Dei; ad cuius so-
num cunēta numerosē saltant, & canūt. Pro-
pterea cecinit Orpheus, opificem vniuersa cu-
stodire; quia æreos baculos sumens, tympano

tantopere personat, ut Deos omnes ad se con-
uertat. Et quoniam animæ supra se mentem
habent; ideo Apollo, qui Musis præest, est in eis
animæ mundi. Nonnunquam tamen nomine
Apollinis anima Solis denotatur: nam respi-
ciendo ad varia munera, diuersasque proprie-
tates, modo hoc, modo illud dicere valemus:
ut etiam nomine Iouis nonnunquam mens
prima denotatur, ut dum cecinit Orpheus
Mens idea omnium: nonnunquam anima or-
bi Iouis destinata: nonnunquam deum ani-
ma mundi, ut à Platone in Phædro: dicimus
enī Celum denotare Deum; Saturnū, men-
tem; Iouem verò, animam mundi. Animæ ita-
que cœlorum vñā cuim anima mundi, chorūm
Musarum cōstituunt: & sunt noue in Syrenæ:
non illæ quidem, quæ humanas aures corpo-
rea voluptate demulcentes, nos deuiant à re-
cto cursu, quales sunt Syrenæ numero tres in
Mari, quasi in voluptatū materia, & pelago, à
Poetis excogitatæ: sed hæ sunt Syrenæ diuine,
ad conuenientem finem nos inuitantes; quæ
per octo tonos, octo sphærarum; & per con-
centum, qui ex omnibus consurgit, Dei facul-
tatem canunt, & vñā cuim cœlis enarrant Glo-
riam Dei.

Propterea cecinit Orpheus:
Tu totum cælum canora cithara temperas.

De